

**Zeitschrift:** Le nouveau conteur vaudois et romand  
**Band:** 94 (1966)  
**Heft:** 3-4

**Rubrik:** Page fribourgeoise  
**Autor:** [s.n.]

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 05.08.2025

**ETH-Bibliothek Zürich, E-Periodica, <https://www.e-periodica.ch>**



## L'archinbyâye di patêjan ou Mouret

Dou momin ke l'avé aprê ke din trê velâdzo d'la kotze ly avê di loto n'èthê pâ chin pochyin ke no j'an prê la route dou Mouret la demindze né dou 23 d'oktobre.

Pê l'amabilitâ dè M. Francis Tanner, ke l'è vinyê no tsêrtsi, no chin j'ou d'aboa chu pyêthe. Ouna trintanna dè j'èmi dou patê atindan l'achinbyâye. Kemin hou dou comité n'èthan pâ ti inke, tsakon l'a pachâ on kârd'âra a kontâ chon dzouyo è chè pènè. Din chi tin, le nonbro di patêjan l'avê drobyâ. No j'an la kothema dè pachâ on kalyé por inchkrire lè non di brâvè dzin ke rèpondon a l'invitachyon ke no j'invouyin din hou j'intinhyon. L'è bin avui le kâ charâ ke l'é rêmarka ke chu lè 60 patêjan ke no j'èthan a la Kri-Byantse n'in d'avê tyè trêdzè d'l'indrê, ma rêchpè po la boun' anhyanna dè 86 j'an k'èthê pèrmi lâ.

A vouèt'ârè è demi, l'achinbyâye chè ourâye pê le tsan di j'Armalyi di Colonbètè. Kan M. Mouron, prèjidan, l'a j'ou fê lè konpyimin d'ujâdzo, Marièta Bongâ l'a yê le protocole de la rinkontra d'Epindè.

La partya dzoyâja di fariboulè l'è j'ou intrètinyète pê lè Moncheu Franthè Bourdyè è Pièro Yêrly dè Trivo, Gabriel Kolly d'Echè, Franthè Mouron è Reynaud d'Epindè, Francis Tanner è Henri Clerc dè Bounafontanna, Paul Macherel, chindik, è Pièro Kolly dè Prareman, è Luc Baeriswyl dè Korpathâ.

D'la pâ di Damè no j'an oyu Maryè Schorderet, Frida Folly dè Friboua, è Marièta Bongâ dè Velachi. Madama Claire Kolly d'Echè l'a tsantâ *Nouthra Dona di Mârtsè*, adon ke Pièro Yêrly fajè our la tsanthon dou viyo tin in l'anâ d'la bouna Frozine ke l'avê poyi 50 t'an po le thindika dè Trivo è chuto po l'a rêmarchyâ d'ithre vinyète avui no po ha vèlya. Du le mitin d'la Grevire, M. Clerc, infirmyé, no j'a de to chon dzouyo d'avé pu vinyi onkou a la réunion di patêjan « Lè Triolè ».

Ke ti lè j'èmi dou patê chèyan rêmarchyâ d'ithre vinyê du bin yin po no rêtsoudâ le kâ è no bayi le korâdzo dè mintinyi nouthrè bounè j'intinhyon dè vouërda le bi lingâdzo di j'anhyan.

*Marièta Bongâ.*

### Un 650<sup>e</sup> anniversaire

*Le village de Vaulruz fêtera, le 20 novembre, le 650<sup>e</sup> anniversaire de son existence.*

*A cette occasion, la Société de musique portera à la scène un drame inédit de l'abbé François-Xavier Brodard : « Apri tan dè rêbritzè ».*

*L'œuvre a pour décor, précisément, ce village en 1966. Des chants du barde populaire Joseph Brodard encadreront l'action.*